

COMUN: Les proscimes edemes vëgnel indô metü les **bënes da sciurë i ciüf**: a Lungiarü y Antermëia l'edema dai 26 de setëmbër ai 2 d'otober y a San Martin dai 3 ai 10 d'otober.

**Orar nü dles aldiënzes dl ombolt**: dedolönesc dales 8.00-9.00 y jöbia dales 17.00-18.00.

**Aldiënza de Maria Kuenzer** en jöbia (01/10), dales 17.00, tla ciasa de comun.

#### PLOANIES SAN MARTIN Y LUNGIARÜ

En lönesc, ai 5 d'otober, tignunse a San Martin **na prozesciun cun ciandëres** do le tru de meditaziun, pian ia da Pradel, y na funziun dedô te dljia por recordé y rengrazié dla **canonisaziun de Sant Ujöp da Oies ai 5 d'otober 2003**. Ince chi da Lungiarü y Antermëia é bel invia. Präibel tolëse do instësc na ciandëra o na linterna (forsc ince na patri).

**Iade a Weissenstein dla Uniun dles porsones vëdues y sores** en jöbia, al 1 d'otober: Anunziesse cina ai 29/09 pro osta rapresentanta o por tel. 0474 590 069.

**La Ciasa de Palsa invieia düc al De di Seniors**, en jöbia, al 1 d'otober, dales 15.00.

**25 agn dl'Assistënza a ciasa**: Invit al referat cun discusciun de **siur Tone Fiung** en sabeda, 3 d'otober, dales 14.30 tl Raiun Sozial a Picolin. Al vëgn baié: co fá da ciaré de se instësc y se sconé, co ciagé aiüt. Presentaziun di sorvisc, informaziuns y consëis de vigni sort.

**Sëra söla oraziun tl chît** en lönesc, ai 05/10, dales 20.00, sö Oies. Info 338 13 00 787.

Al mët indô man i **Cursc de Teologia a Porsenü**: Al vëgn pité le stüde de teologia deplëgn che dëra 5-6 agn y cursc che dëra trëi agn (11 sabedes da otober cina jügn plü n'edema intiera ala fin de jügn). Por la manciänza de proi á les ploanies dër debojëgn por le dagní de porsones arjignades. Informaziuns [www.hochschulebrixen.it](http://www.hochschulebrixen.it) o tel 0472 271 121

#### SAN MARTIN

**I Stödafüch invieia ala Segra**: dales 10.30 matiné (liagnes blanches), 14.30 defilada ...

Por conëscë damí le sorvisc incër alté é **düc i sorvidus dër bel invia** en domënia, ai 4 d'otober, do mëssa, ia en calonia a na pröma incuntada cörta cun siur Ploan por odëi sc'ara jiss da s'incunté deplü iadi y coch'an podess animé y renforzé le grup di sorvidus. Ince i geniturs desponibli da daidé pro é dër bel invia. Dedô él val' da bëre y da bocolé.

Les animadësses dla **Schira Jonila (Jungschar) da San Martin chir jones da daidé**. Sce t'as complí 16 agn y vöia da fá impara, präibel lãscete adintëne da atira cina al plü tert en domënia, ai 11 d'otober pro Martina 349 64 73 206.

**L'Uniun dles Ères invieia** en jöbia, 8 d'otober, dales 14.00, a na picia spazirada y ciastagnada da Porsenü ia. Prenotaziuns Romi 339 71 64 521. Dötes é bel invia.

Curs por geniturs de 8 iadi a **La Ila**: Pröm iade ai 29/09, dales 9.00; prenot. 348 78 21 170.

L'Uniun dl Sport San Martin mët a jí n **curs de condiziun y coordinaziun** cun Gertrud Oberbacher, che mët man en dedolönesc ai 29 de setëmbër por 8 iadi le dedolönesc dales 19.30-20.30 tla palestra da San Martin. Le cost é de 65 € + cherta d'iscriziun ala Uniun. Le pröm iade é debann. Infos y prenot. le pröm de te palestra pro Maria 339/6211647.

L'Uniun Sport San Martin mët a jí na **spazirada sön la Tiefrastenhütte** a Terenten en domënia, ai 4 d'otober. Info y prenotaziuns cina en jöbia 348 91 34 168.

**Döt le bun a chi che complësc i agn d'otober**:

**a San Martin**: Maria Clara Verginer che nen complësc 85 ai 2  
Anna Mairunteregger Moling che nen complësc 84 ai 18  
Giovanni Trebo che nen complësc 84 ai 21  
Martin Rives che nen complësc 81 ai 29  
Sepl Flöss che nen complësc 87 ai 31

**a Lungiarü**: Rita Zingerle Clara che nen complësc 84 ai 7  
Scimun Mischi che nen complësc 85 ai 31



internet: [www.valbadiaonline.com](http://www.valbadiaonline.com)

## Plata dles Ploanies San Martin y Lungiarü

**siur Iaco Ploner** 333 48 32 765 / 0474 453 003 - [ploner.jakob@aruba.it](mailto:ploner.jakob@aruba.it)  
redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523 194

**27.09.- 4.10.2015 nr. 44**

termo da publiché: jöbia 20.00  
radio: 90,40 / 93,70



## 26ª DOMÈNIA IA POR L'ANN B

*Vangele: Merch 9, 38–43.45.47–48*

Degügn, che fej mirachi te mi inom, ne sciafia tan sauri da baié mal de mè.

Deache chi, che n'é nia cuntra nos, é por nos.

Chël che ves dà inçe mâ n gote d'ega da bëre

deach'i aldis pro Crist– amen, i ves diji:

al ne gnarà nia da so paiaimënt.

Chël che tira al mal un de chisc picí

che crëi te mè, por chël fössel damì,

sc'al gniss sciurë tl mer cun na mora da morin incër le col.

Sce na túa man t'impiza al mal, spo màzela ia;

al é damì por tè rové storpié tla vita, co rové cun döes mans tl linfern....

*Tla pröma pert de chësc vangele invieia Gejú ala toleranza defrunt a chi che n'é nia cuntra d'ël. I confidun ch'ai pois t'amur al proscim incunté Chël Bel Dî.*

*Valur á dantadöt por i cristians les opres de bunté che vëgn fates tl ascognü.*

*Tla secunda pert dl vangele odunse, che Gejú n'é nia ma le „bun Gejú“, mo ch'al é ince dër sciöde: dantadöt cuntra chi „che tira al mal un de chisc pici che crëi te me“; miná é ince i püri y i debli che á tut sö la buna noela.*

*Ti tó a chisc la speranza y la crëta te Dî, é por Gejú n malfat da castié.*

*Defrunt al mal che po lové sö te nos, ne podunse nia la tó ala lisiera.*

*I messun le trá fora de nos cun döta la raisc.*

*Da ti jí do a Gejú messunse tó dezijiuns radicales y ne sté nia söla mesarí.*

Le Papa Francësch á cherdé ite i vësch i a na sinoda a Roma che s'abina dai 4 ai 25 d'otober por traté le tema important „La cherdada y la misciun dla familia“. **Pochël sunse düc invia en sabeda sëra ai 3 d'otober, dales 18.00 ales 19.30, da s'abiné tles families (ince deplü families adöm) a perié cun le Papa por chësta sinoda y por les families.**

Por ti dé chësta poscibilité a nostes families da perié deboriada tles ciases ne vëgnel a San Martin nia tigní la mëssa prefestia en sabeda ai 3 d'otober. Tratan l'oraziun vëgn les families inviaes da impié na ciandëra sön vider. I un dër debojëgn da tigní via la oraziun familiara tles ciases - *siur Ploan*

|                                                                                                                   | SAN MARTIN                                                                                                                                                                                                                                                                           |                                   | LUNGIARÜ                                                                                                                                                                                                                                            |
|-------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------|-----------------------------------------------------------------------------------------------------------------------------------------------------------------------------------------------------------------------------------------------------|
| <b>27.09.15</b><br><b>26<sup>a</sup> Domënia ia por l’ann B</b>                                                   | <i>SEGRA DA SAN MARTIN</i><br><b>9.00</b> Corona<br><b>9.30</b> Gran Mëssa por la comunité                                                                                                                                                                                           | <b>27.09.15</b><br><b>Domënia</b> | <b>7.55</b> Adoraziun<br><b>8.15</b> Gran Mëssa por la comunité<br><b>15.00</b> Corona tla capela de S. Ujöp Freinademetz                                                                                                                           |
| 28.09.15<br><b>Lönesc</b><br><i>Wenzel, Lioba</i>                                                                 |                                                                                                                                                                                                                                                                                      | 28.09.15<br><b>Lönesc</b>         |                                                                                                                                                                                                                                                     |
| 29.09.15<br><b>Dedolönesc</b><br><i>Arcagnui Michil, Gabriel y Rafael,</i>                                        | <b>19.30</b> Mëssa<br>+ + de fam. Bruno y Frida Kostner<br>+ + de Elena Zingerle                                                                                                                                                                                                     | 29.09.15<br><b>Mertesc</b>        |                                                                                                                                                                                                                                                     |
| 30.09.15<br><b>Dedemesaledema</b><br><i>Iarone, Sofia</i>                                                         |                                                                                                                                                                                                                                                                                      | 30.09.15<br><b>Mercui</b>         | <b>7.30</b> Mëssa<br>+ Ivo Sorà<br>+ Albina Clara                                                                                                                                                                                                   |
| 01.10.15<br><b>Jöbia</b><br><i>Tarejia dl Bambin Gejù da Lisieux</i>                                              | <b>7.00</b> Adoraziun<br><b>7.30</b> Mëssa di scholars<br>en onú de santa Tarejia dl Bambin Gejù<br>+ Tarina Clara<br>+ Robert Tolpeit (dl ann)<br><b>Corona por vocaziuns</b><br><b>Comuniun ai amará</b>                                                                           | 01.10.15<br><b>Jöbia</b>          |                                                                                                                                                                                                                                                     |
| 02.10.15<br><b>Vëndres</b><br><i>Agnui Custodi</i><br><b>pröm vëndres</b>                                         | <b>19.00</b> Adoraziun chîta<br><b>19.30</b> Corona d’otober                                                                                                                                                                                                                         | 02.10.15<br><b>Vëndres</b>        | <b>7.00</b> Adoraziun<br><b>7.30</b> Mëssa<br>dl ann de Pire y Angela Dapoz<br><b>Comuniun ai amará</b>                                                                                                                                             |
| 03.10.15<br><b>Sabeda</b><br><i>Ewald, Cristina, Udo, Irmgard</i>                                                 | <b>15.30</b> Mëssa tla Ciasa de Palsa<br><b>18.00-19.30</b> Oraziun tles families adöm col Papa<br>por la sinoda di vëschi sön la familia<br>cun na ciandëra impiada sön vider<br><i>Degöna mëssa dales 18.30 por ti dé</i><br><i>la preferënza ala oraziun deboriada te familia</i> | 03.10.15<br><b>Sabeda</b>         | <b>18.00-19.30</b> Oraziun tles families adöm col Papa<br>por la sinoda di vëschi sön la familia<br>cun na ciandëra impiada sön vider<br><b>20.00</b> Mëssa prefestia<br>familia de Stefo Moling<br>familia de Othmar Castlunger (de rengraziamënt) |
| <b>04.10.15</b><br><b>27<sup>a</sup> Domënia ia por l’ann B</b><br><b>Segra dl Rosare</b><br><i>San Francësch</i> | <b>9.00</b> Prozesciun dl Rosare<br><b>9.30</b> Gran Mëssa por la comunité<br>de rengraziamënt dla racoiüda<br><b>10.30</b> <i>Indunada cun i sorvidus te calonia</i>                                                                                                                | <b>04.10.15</b><br><b>Domënia</b> | <b>7.55</b> Adoraziun de rengraziamënt dla racoiüda<br><b>8.15</b> Gran Mëssa por la comunité<br>y por le Grup che præia le Rosare<br><b>dedô</b> Adoraziun de rengraziamënt dla racoiüda<br><b>15.00</b> Corona tla capela de S. Ujöp Freinademetz |